


UTL AT DOWNSVIEW



D RANGE BAY SHLF POS ITEM C  
39 13 09 03 08 005 9

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PK  
6434  
S46  
1885  
C.1  
ROBA

Fraschery, Ch Samy bey  
Horde gin

3753

18/646



ش . سامی

Fraschery, Ch. Samy bey

خُورْدِ چِین

Hörde. çin




معارف نظارت جلیله سنک رخصتیه طبع اونمشر  
رخصتنامه نومروسی ۴۵۵



استانبول

(مهران) مطبعه سی - باب عالی چاده سنده نومرو ۷

۱۳۰۲



PK  
6434

346  
1885



## افادۀ مرام

بیلیم نه حکمتدرکه انسان، تمتع مادیده اکثریا  
شریک ایستمدیکی حالده، استفادۀ فکریه سنی، النندن  
کلسه، عالمه تعمیم ایتمک هوسنده بولنور: هر نه ایشیتسه،  
هر نه کورسه، هر نه بیلسه، راست کلنه سویلک،  
کوسترمک، آکلاتمق ایچون، وسیله یه منتظر در .

هله اکنجه لرینی ادبیات مطالعه سنده آریانلر،  
اومسیره اذهانده - نظر حیرت لرینی جلب، ویا الشراح  
وتأثر درون لرینی دعوت ایده جک - هیچ برشیئه راست  
کلزلر، که قلم لریده اونی برینه نقل ایتمک آرزو سنی اويا-  
ندیر مسون . فقط هیهات ! یاقارش- یلرنده خیالاتله

متأثر اوله میه جق قدر کشف بر جسمانی تصادف  
ایدر، و یا خود اوزه بولنه میوب، او نکته یورکده بر  
عقده، و اونک ویردیکی لذت برداغ و درد اولور .

انای جنسمز حقنده عمومیت اوزره بیان ایتدیگمز  
افکار دائماً کندیمزده حس ایتدیگمز حاله مستنددر .  
قرینک قلبنه کیم راهیاب حلول اولمش، بشقه س-ناک  
ذهننه کیم طریق نفوذ بوله بیلش، که، قیاس نفس  
اولسه، بویه درونی احوالدن عمومیت اوزره بیان  
مطالعه ده بولنه بیلسین ؟

بویه اولدینی حاله، مساعده بیورلسون، سوزی  
عمومیتدن خصوصیتنه نقل ایده یم .

هر نه وقت - دمیر کی صوئوق و دمیر قدر آغیر



اولان - جديا تدن اوصانير، وظيفه ايدنديكم مشغو-  
ليتدن يوريلورسه-م، ذهني وجسماني يورغونلق آلق  
ايچون، اشعار فارس-يه دن استمداد ايتك بنم ايچون  
اس-كيدن حاصل اولمش برالفقدر. نيچون فارسى يي  
ترجيح ايد يورم؟ ذاتا عجم مقلدلكيله متهم اولان  
اسكى عثمانلى شعراسنك آثارنده، وعلى الخصوص اوج  
بش س-نه دنبرى - لسامنرك ش-يوه لطافتنه افكار  
وخيالات جديده يي قاريشديره رق - شايان تقديس  
بر چيغر آچان نورس-يدكان ش-عرامرك اثرلرنده بيك  
سنه لك ايران شعراسنك آثارنده كى لطافت يوقميدر؟  
ديه جكسكز. بزم شعراى جديده مزك آثارينه ديه جكم  
يوق، بلكه بواصول جديده يي، تاابتداى ظهورنده،  
اك ش-وقلى آقيش-لرله تبريك ايدنلرك برنجيلرندم.

لكن بونلر الآن محدوددر؛ اسكى شعرا مذك آثارنده  
 ايسه ايران شعرا سنك اشعارنده كى لطافت، اونلرده كى  
 مهارت، اونلرده كى سلاست يوقى، يوقسه بكامى اويله  
 كليور . سومك، حظ اتمك هر وقت اسباب موجب  
 ايله اولماز، طبيعت بويا، اشعار فارسىه دن زياده حظ  
 ايد يورم؛ لكن ظن ايدرم كه، بيوك بونا يارتك اوروپا  
 لسانلرى حقنده اولان مشهور بر تقسيمى جدى صورتيله  
 تلقى، وآسيا لسانلرينه دخی تطبيق اولتمق لازم كلسه،  
 فارسى حقنده: «شعرايچون يارادلمش بر لساندر، وشعر  
 اولسان ايچون ايجاد اولنمشدر» دنيله بيلير .

هر حالده، بوقيلدن اوله رق، ورد زبان مطالعه م  
 اولان كتابلك ايچنده، تنوعلى حسييله، اك زياده  
 مراقى جلب ايدنلر برايكى تذكرة الشعرا در . ايشته

باشلیجه بونلرک ایچنده یوقاریده تعریف ایتدیکم  
 حسیاتی منبه بر طاقم حکمت آمیز یاسوزشلی و یامینی  
 علی الحکایه ولطیف بیتلر اوتهدن بری حوصلهء حفظمده  
 طولاشوب طورمقده ایکن ، برده چکن کون استاد  
 شعرای زمانه معلم ناجی یکانه نك « خرده فروش »  
 عنوان تواضعکارانه سی آلتده بو کره نشر ایتدیکی  
 - کوچک و فقط سراپا لب و معنا - اثری الیمه چکدی .  
 مقدمه سنی اوقودم ، کندی حسیاتمک تصویریدر  
 ظن ایتدم .

انسان کندی حسیاتی بشقه سی طرفندن تصویر  
 اولمش کورمکدن آلدیغی لذتی برشیدن آلاز . مملک  
 دخی نظر تقدیر و انتخابنه مظهر اولان اشعار فارسی ،  
 اولرده تذکره الشعرا کتابلرندن مأخوذ ! یالکز اشعار  
 او اشعار دکل .

نه ضرری وار؟ یول آچلدی، اصول قوندی، پیرو  
اولمقدن بشقه برشی قالمدی. تقلید عادتتم دکل ایکن،  
«خرده فروش» لک آرقه سی صره «خرده چین» اولدم.  
ش. سامی

استانبول ۲۲ رمضان ۱۳۰۲

## خرده چین

---

### خرده

— ۱ —

میازار موری که دانه کشت  
که جان دارد و جان شیرین خوششت  
سیاه اندرون باشد و سنکدل  
که خواهد که موری شود تنکدل

— ترجمه —

دانه طوپالایان قارینجه یه ایلشمه، زیرا جانی واردر،  
جان ایسه طاتلیدر . بغری قره وطاش یورکلیدر او  
آدم، که بر قارینجه نك مضطرب القلب اولدیغنی ایستر .

— مطالعه —

شعراى ایران زمینك استادنامدارى، وبلکه بتون  
نظم کویان عالمك سالارى حضرت حکیم فردوسینك  
بو ایکی بیتى او قدر ساده، او قدر تکلفسزدر، که جیا .

دتی تکلف وطمطراق الفاظده آرایانلر بلکه - اک ایلری یه  
 دوشور دیکمز - بو خړده مزى تزیفه قالقیشیرلر ؛ لکن  
 بونک - ذاتاً مطلوب و مقبول اولان - ساده لکیله برابر ،  
 مالى، تعمیق ذهنله دوشونیهلجک اولسه ، کافه حکمتلرک  
 نقطه اجتماعى دنیهلجک قدر حکیمانه ، و علم اخلاقک  
 خلاصه سی دنیهلجک بردستور یکانه در .

شیخ بزرگوار سعدی شیرازینک ، «شهنامه» نک بو قدر  
 یوز بیک بیتى ایچندن ، بو درت مصراعى سچوب نقل  
 ایتمی ده بو مدعامزى اثباته کافیدر . شیخ مشارالیه نقل  
 ایتدیکی بو ایکی بیته شو بیتله فاتحه خوان اولمشدر :

چه خوش گفت فردوسی نیکزاد

که رحمت بران تربت پاک باد

— ترجمه —

تربه پاکنه رحمت اولسون ! فردوسی عالیتبار نه  
 کوزل سویلیور !

— مطالعه —

حضرت شیخ بو بیتله تقدیر و تقدیس ایده رک ، حکیم  
 طوسینک کلام صاحب پروانه سنی نقل ایتدکن صکره ، بو

التزامی جبانته حمل اولنسون قورقوسیه، شجاعتنه یمین  
ایدهرک، اونی ایضاح مقامنده بیوریورلرکه :  
بمردی که ملک سراسر زمین  
نیرزد که خونی چکد بر زمین

— ترجمه —

مردک حقیچون که بتون روی ارضک ملکی بر  
طامله قانک یره طاملادیغنی دگمز !

خرده

— ۲ —

نادر العصر امیدئ مظلوم  
کوبنا حق شهید شد ناکاه  
شب بخوابم بیامد وفرمود  
کای زحال درون من اکاه  
بهر تاریخ قتل من بنویس  
آه ازخون ناحق من آه

— ترجمه —

عصر مزده امثالی نادر بولنان مظلوم امیدئ، که

آنسزین ناحق یره شهید اولدی، کیجه عالم مغناده بکا  
کلوب دیدی: سن که حال دروغمدن آگاهسک قتلمه تاریخ  
اولق اوزره، شونی یاز: «آه! بنم حقسنز قانمندن آه!»

— مطالعه —

امیدی شاه اسماعیل زماننده طهرانده یتیشوب،  
شیرازده تحصیل علم وهنر وتعلم علم طب ایتمش بر  
شاعر شیرین زبان ایدی. کنج یاشنده شربت شهادتی  
نوش ایتمش اولمغله، حقنده شعرای معاصرینندن افضل  
نامی شیرازی بوقطعه مؤثره بی سویلمشدر.

خرده

— ۳ —

مایوسف خود نمیفروشم  
توسیم سیاه خودنکه دار

— ترجمه —

بز یوسفمزی صائمیز، سنک قلب اچکه سنک  
اولسون.



## — مطالعه —

خواجه يوسف اندکاني غایت خوش الحان بر مطرب  
 ماهر اولمغله، اولاد تیموردن بایسنغرک ملازمتده بولنوب،  
 مشارالیه کنديسني مجلسندن اصلا آیرمديغی حالده، شیراز  
 حاکی ابراهیم کنديسني دفعاتله یاننه دعوت، ومصرانه  
 طلب ایتمش، ونهایت جلیچون یوز بیک دینار کوندر.  
 مش اولدیغندن، بایسنغر، ملاطفت طریقله بو بیتله  
 جواب یازمش.

## خرده

## — ۴ —

رقم سوی خطیره وبکریستم بزار  
 از هجر دوستان که اسیر فناشدند  
 ایشان کجاشدند چوکفتم خطیره هم  
 داد از صدا جواب که ایشان کجاشدند

## — ترجمه —

مزارستان طرفه کیدوب، اسیر فنا اولان دوستلرک

هجر واشتياقندن هونكور هونكور اغلادم . اونلر نړه يه  
 كيتديلر! ديه باغردیغمده، مزارستان دخی، عكس صدا  
 قوتيله، جواب ویره رك: «اونلر نړه يه كيتديلر!» دیدی.

— مطالعه —

بوقطعه شاعر حكيم حسرو دهلويڼك اولوب، حقاكه  
 دنياده سو كيلي جانلردن آيرلمش حزين جانلری اغلاته جق؛  
 و بزم كې اوتوروب قالقان، كولوب اويناين، سويليوب  
 قونيشان بوقدر آدمرك، هر كون نابديد اولوب، نړه يه  
 كيتدكړيني، ودها طوغريسي، نړه يه كيتديكمزی، آكلار.  
 مقدن عاجز اولان بېچاره انساني برقات دها وله وحيرته  
 طالديروب، اولوم دنيلن حياتدن دها مغلق بر معمانك  
 اوكنده لرزناك دهشت ايده جك بر هاتف حكمنده در .  
 هاله جسدلرمزی يوتوب قره بغيرنده صاقلایان مزارلغك  
 دخی سألدن زياده معلوماتی اوليوب ده، عكس صدا  
 قوتيله، متحيرانه: «اونلر نړه يه كيتديلر؟» ديه باغرمسی  
 صانكه «بنده سكا صورپورم» ديمسی پك شاعرانه  
 وهمده حكيمانه دوشمشدر .

## خرده

— ۵ —

صرصر حادثه برخاست پی خواریء ما  
 داد برباد سرو برک جهاندارىء ما  
 آفتاب فلک رفعت شاهى بودم  
 برد در شام زوال آه سیه کارىء ما  
 چشم از جور فلک کنده چو شد بهتر شد  
 تانه بینم که کند غیر جهاندارىء ما  
 داد افغان پچه شوکت شاهى برباد  
 کیست جز ذات مبرا که کند یارىء ما

— ترجمه —

حوادث و وقوعات صرصرى بزم خرايتمز ایچون  
 قالقوب، بزم پادشاهلغمزك سر و سامانی برباد ایتدی .  
 فلک رفعتك آفتاب تابانی ایدك، آه ! که کندی حرکاتمزك  
 سیئه سی اونی شام غرو به ایردیردی ! اصابت که  
 جور فلک کوزلرمی چیقاردی ده، بزم پادشاهلغمزك  
 اغیار النده اولدیغنی کور میورم . افغان ! که بر غلام

شوکت سلطنتی برباد ایتدی ! شمدی ذات مبرای جناب  
کبریادن بشقه بکا کیم یار اولور ؟

— مطالعه —

بوبرقاچ بیت، بنکاله حکمداری ایکن، ملکی انکلیز-  
لرک ید غصبنه دوشمش، ومؤخرأ رفع لوای عصیان  
ایدن توابعدن غلام قادر طرفندن کوزلری چیقاریلوب،  
نابینیا قالمش اولان ابوالمظفر مروج الدینک اولب ابدەکی  
قصیده سوزناکندندر . مشار الیه فصحای شعرادن  
اولوب، شعرنده آفتاب تخلص ایدردی .

خرده

— ۶ —

نه از یعقوب آثاری نه از یوسف نشان دیدم  
عزیزان یوسف ارکم شد چه شد بعقوبرا باری

— ترجمه —

نه یعقوبدن اثر نه یوسفدن نشان کوردم . ای عزیزلر،  
یوسف غائب اولدیه، یا یعقوبه نه اولدی ؟

## — مطالعه —

بو بیت مغنیدار، هرات شعراسندن اولوب، عراق  
 حکمداری سلطان یعقوبك نزدینه التجا ایتمش اولان  
 بنایینکدر، که سلطان مشارالیهك برادری یوسف بکک  
 وفاتی، وکندیسنک بر قاج کون قپانسی اوزرینه  
 سویلمشدر .

## خرده

## — ۷ —

کفت انوری که ازسبب بادهای سخت  
 ویران شود عمارت وکھسار بر سری  
 در روز حکم اونوز یدست هیچ باد  
 یا مرسل الریاح تو دانی وانوری

## — ترجمه —

انوری، شدتلی روزکارلر سببیدن معمورهٔ جهان  
 حراب اولوب، جبال مرتفعهك باش آشانغی ییقيله جغنی  
 سویلمشیدی . اونك حکم ایتمش اولدینی کونده ایسه

اصلا روزگار اسمدی . ای روزگار لر موکلی اولان ملک !  
 بوايشك سر و حکمتی سن ايله انوری بيليرسکز .

— مطالعه —

شاعر مشهور انوری علم هیئت و نجومده دخی  
 ماهر ایدی . زماننده سیاراتك بشیله کونش و آی برج  
 میزانده تصادف ایتمش لر . انوری بوقرانك واقع اوله جغی  
 کیجه — بنالری یقه جق ، اشجاری یرلرندن قوپاره جق  
 — برشدتلی روزگار اسه جکنی حکم و اعلان ایتمکه ، خلق  
 متوحش اولوب ، او کیجه هر کس اوندن دیشاری چیقه رق ،  
 کمال دهشته اوقیامته منتظر اولدقلری حالده ، هوا او قدر  
 سودلیمانلق اولمش که ، بریسی مرو جامعنك اوزرینه بر  
 موم دیکدیکی حالده ، مومی سونديره جك قدر روزگار  
 اسمه مش . بونك اوزرینه نکتہ کویان زماندن بری یوقاریده کی  
 قطعه بی سویلمشدر . انورینك حامیسی بولنان سلطان  
 سنجر کنديسینی جلبله ، بویله نا صواب حکملر اعلانندن  
 عتاب ایتدیکنده ، انوری بو کبی احوال سمائیه نك حکمی  
 بعض دفعه کج ظهور ایدر دیه رك ، ینه حکمنك التزامنده  
 اصرار ایتمش ؛ حالبوکه اوسنه مرو جوارلرنده خرمانلری  
 صاوره جق قدر روزگار اسمه مش . انوری بو حالی

کورنجه، حجاب وقورقوسندن مروی ترکه، بلخه قاجش؛  
و بر مدت صکره اورادن دخی اهالی کنديسني طرد ایتد.  
یرمکه قالقیشنجه، فلکدن شکایت مقامنده برقصیده انشاد  
ایده رک، باشنده دیمش که :

ای مسلمانان فغان از جور چرخ چنبری  
وز نفاق تیر وقصد ماه وکید مشتری

— ترجمه —

ای مسلمانان! چرخ دوارک جورندن، عطار دک  
نفاقدن، آیک قصدندن، مشتری نک مکر و حيله سندن  
فریاد!

— مطالعه —

انوری خاوران مملکتنده نشأت ایتشد، که اورادن  
— هربری کندي صنفده فرید دهر اولان — دیگر اوج  
ذات دخی یتشمش اولغله، شاعرک بری دردینی شو  
قطعه یه جمع ایتشد.

خواجه چون بوعلی شادان وزیر نامدار  
عالی چون اسعد مهنه زهر شری بری  
صوفی صافی چو سلطان طریقت بوسعید  
شاعری قادر چو مشهور خراسان انوری

— ترجمه —

وزیر نامدار ابوعلی شادان کبی براهل سیاست (\*)،  
هر شردن بری اولان اسعد مهنه کبی برعالم، سلطان طر-  
یقت ابو سعید کبی بر صوفی صافی، خراسانده شهرت  
صاحبی اولان انوری کبی مقتدر برشاعر !

— مطالعه —

مشار الیه اسعد مهنه نك ملكشاهك حضورنده حجة  
الاسلام امام غزالی ایله مناظره لری وقوع بولوب،  
غزالی یه مذهبی صورمسيله، حضرت امامك «عقلياتده  
مذهبیم برهان، وشرعیاتده قرآندر» جواب حکیمانہ سنی  
ویرمش اولدینی مشهوردر .

خرده

— ۸ —

تاچشم مرادست قضا میل کشید  
فریاد ز عالم جوانی بر خاست

(\*) طغرل بن میکائیل سلجوقینک وزیر یدر . عدل و تدبیرده



— ترجمہ —

دست قضا بنم کوزلرمہ میل چکنجہ، کنجک عالمندہ  
بروایلا در قوپدی !

— مطالعہ —

بو بیب تلہف آمیز - اوصاف حمیدہ سی کتب توار۔  
یخدہ مسطور اولان - سلطان طغانشاہک نغمہ فریاد  
وفغانیدر، کہ ابراہیم بن نیاللہ واقع اولان محاربہ سندنہ  
اسیر دوشوب، اول غدارک امریلہ کنج یاشندہ کوزلرینہ  
میل چکلمشیدی . عم بزرگواری طغرل بک ابراہیم  
نیالی دیار عدمہ کوندروب، انتقامنی آلمش ؛ و، یکنک بو  
ییتی ایشیتدیکندہ، زاری زاری اغالیہرق : « ہنوز  
دنیا یی کورمکلہ طویامش اولان اونوجوانہ کاشکی ایکی  
کوزمدن برینی ویرمکہ مقتدر اولہ ایدم ! » دیش .  
طغانشاہ نیشابورده سلطنت سورمکدہ ایکن، برکون  
ندماسندن بریلہ طاولہ اوینارمش ؛ برسہ شش ایستیور۔  
مش، سہیک کلش ؛ حاضر بالمجلس بولنان شاعر مشہور  
ازرقی بونک اوزرینہ بداہۃ شوقطعی سویلمش :

کرشاہ سہ شش خواست سہیک زحم افتاد  
تا ظن نبری کہ کعبتین داد نداد

شش چون نکریست هیبت شاه  
از هیبت شاه روی بر خاک نهاد

— ترجمه —

شاه سه شش ایستد یکی حالد، سه يك كلدیسه، ظن  
ایتمه که زار حقسزاق ایتدی ؛ لکن شش شاهك هیبتی  
کورنجه، قارشیسند طورمغه مقتدر اوله میوب، یوزی  
قویون یره قیاندی .

خرده

— ۹ —

شاها فلکت اسب سعادت زین کرد  
وز جمله خسروان ترا تعیین کرد  
تا در حرکت سمند زرین نعلت  
نهد بزمین پای زمین سیمین کرد

— ترجمه —

ای پادشاه ! فلک رخس سعادت حاضریوب، اوکا  
یینمک اوزره، عموم حکمدارلرک ایچندن سنی انتخاب

ایتدی . سیر و حرکتکده، آلتون نعلی آتکک ایانغی یره  
دکسین دیه، یریوزینی کومشله قاپلادی .

— مطالعه —

بو قدر عالی برفکر و خیال شاعرانه‌یی حاوی اولان  
بورباعی بداههٔ سویلنمشدر، وسویلین برقادیندر . حسن  
و آن و ظرافتی مهارت شاعرانه‌سیله متناسب اولان «مہستی»  
دیری «در، که سلطان سنجرک محبوبه‌سی ایدی . براقشام  
مہستی سلطانک مجلسندن دیشاری چیقمغه قالقنجه،  
سلطان علی الصباح عزیمتی تصمیم ایتمش اولدیغندن،  
هوايه باقسینی امر ایتمش، و مہستی چیقوب قار یاغمش  
اولدیغنی پنجره‌دن کورنجه، حضور سلطانه دونوب، بو  
رباعی ایله جواب ویرمش؛ و بورباعیسی مشار الیهانک  
سلطان سنجرک مقربین خاصی صره‌سنه کچمینی موجب  
اولمش .

خرده

— ۱۰ —

کفر چو منی کزاف و آسان نبود  
محکمتر از ایمان من ایمان نبود

دردهر چو من یکی وان هم کافر  
پس در همه دهر یک مسلمان نبود

— ترجمه —

بنم کبی بر آدمک تکفیری قولای دکلدر ؛ بنم ایماندن  
محکم ایمان اوله ماز . دهر بنم کبی آنجق بر آدم یتشدیر .  
مشدر ، اوده کافر اولورسه ، دیمک که دهرده هیچ بر  
مسلمان یوقدر .

— مطالعه —

بورباعی حکمای اسلامک آب رویی اولان ابو علی  
ابن سینانکدر ، که بر آرز تفاخری حاوی اولمغله برابر ،  
هیچ مبالغه لی اولیوب ، عین حقیقتدر . هر عصر وزمانده  
هر دیار و مملکتده ، هر دین و مذهبده جهلای متعصینک  
ارباب فضل و کماله قارشی یکتا سلاحرلی تکفیردر .  
عالم اسلامک مدار افتخاری اولان حکیم مشار الیه ، که  
حکمت و طبعده نه قدر عالم ایدیه ، تفسیر وحدیثده دخی  
او قدر متبحر ایدی ؛ وعقلیاتده نصل یکتا ایدیه ، شرعیاتده  
دخی اولدر جهدن یک دون دکلیدی ، اوبیله جهلانک سنک  
تکفیرندن قورتیله مامشدر . مشار الیهک اجلی تقربنده  
سویلمش اولدینی شو رباعی دخی شایان ذکردر :

از قعر کل سیاه (\*) تا اوج زخل (\*\*) )  
 کردم همه مشکلات عالم را حل  
 بیرون جستم ز قید هر مکر و حیل  
 هر بند کشوده شد جز بند احوال

— ترجمه —

بو مظلوم کرهٔ ارض که مرکز ندن عالم شمسک منتها-  
 سنه قدر اولان کائنات حقنده عالمک مشکلاتنی حل ایتدم،  
 بکا قوریلان بو قدر دسایس و تدویرات دوزاغندن قور-  
 تلدم: هر مسئله حل اولندی، اجل مسئله سندن بشقه .

خرده

— ۱۱ —

هنکام آن که کل دمد از صحن بوستان  
 رفت آن کل شکفته و در خاک سدنهان  
 هنکام آن که شاخ شجر نم کشد زابر  
 بی آب ماند ترکس آن تازه بوستان

(\*) او وقت عالم شمسک مرکزی کرهٔ ارض بیلنیدی .

(\*\*) او وقت معلوم اولان سیاراتک ائک اوزاغنی زخل ایدی .

## — ترجمه —

باغچه لرده کللر آچلدینی بر موسمه، او آچلمش  
 کل کیتدی، طوپراغک ایچنه نهان اولدی ! آغاج دالارینک  
 هوادن جذب آب حیات ایتدکری بر ایامده، او تازه  
 باغچه نرکسی صوسز قالب قورودی !

## — مطالعه —

بو ایکی بیت دلسوز شاعر مشهور عمعقدر، که  
 سلطان سنجرک محمود بن ملکشاهک تحت نگاهنده  
 بولنان سوکیلی قیزی ماه ملکک وفاتی حقنده سویلمشدر.  
 سلطان سنجر بوقیزینی زیاده سیله سووب، فراق ابدیسندن  
 دلخون اولغله، آرتق اغلامقدن بشقه برشیده ذوق  
 وتسلای بوله ماز اولدیغندن، مرثیه نظمنده مهارت وشهرتی  
 اولان عمعقی، کندیسینی مرثیه لرله اغلاتمق ایچون، بخا-  
 رادن جلب ایتمک ایستمش ایسه ده، شاعر او وقت پک  
 اختیار، وایکی کوزندن علیل اولدیغندن، بالذات کیده میوب،  
 بر مرثیه کوندرمش، که بو ایکی بیت اوندندر.

## خرده

## — ۱۲ —

الغ بك آن شاه جم اقتدار  
 كه دين نبيرا ازو بود پشت  
 زعباس شهد شهادت چشيد  
 شدش سال تاريخ «عباس كشت»

## — ترجمه —

اقتدار جه جمشيد كعبنده بر پادشاه و حضرت پيغمبرك  
 دينه پشت و پناه اولان الغ بك، عباسك الندين شهد شها.  
 دتی نوش ايتدی، تاريخ شهادتی ده «عباس كشت» (يعني  
 عباس اولديردی) تعبيريدر.

## — مطالعه —

الغ بك تيمورلنكك حفيدی اولوب، علوم وفنون  
 متوعه ده، وعلى الخصوص هيئت ونجومده يكتا بر پادشاه  
 حكيم ايدی، كه فنون مذكوره ده كنديسندن صكره بين  
 الاسلام علما يتيشه ميوب، او عصر ك او اخرنده اوروپاده  
 قوپرنيكك ظهوريله، علم هيئت ك اساسي دكيشديكندن،

الغ بك بحق وبالوجوه بين الاسلام ارباب هيئتك  
 خاتمی عد اولنه بیلیر . ارباب فضل و کمال ، اقصای  
 مراتب بشریه نائل اولدقلری حالدہ، ینہ معاودات فلک  
 سفله پروردن رهایاب اولمدقلرینه بر نمونه اولمق اوزره،  
 فن و حکمتده فرید عصر اولان اول حکمدار فضائل  
 شعار، مدت سلطنتده هر طرفدن یوز کوستین بونجه  
 اعدا ایله اوغراشدقن صکره، عاقبت کندی اوغلی  
 عبد اللطیف دخی علینه قالقشمش، و تخت و تاجنی الندن  
 قایمغلهده قناعت ایتیموب، - کندی محصول عمرندن اغیاره  
 قاقچقدن ایسه، ینہ اوغلنه التجا ایتکی پدرله اولاد بینندهکی  
 روابط شفقت مقتضیاتندن عد ایدن - او یله بر حکمدار  
 حکیمی عباس نام لعینک یدیه شهید ایتدیرمشدر . بونک  
 اوزرینه شعرادن بری حقنده یوقاریده کی قطعۀ تاینجیهی  
 سویلمشدر .

خرده

— ۱۳ —

دی شب زسر صدق وصفای دل من  
 درمیکده آن روح فزای دل من



جامی بمن آورد کہ بستان و بنوش  
کفتم نخوزم کفتم برای دل من

— ترجمہ —

دون کیجہ، قلبمک صدق و صفاسی آثارندن اولمق  
اوزرہ، میخانہدہ کوکلمک مدار حیاتی اولان ذات بکا  
بر قدح کتیروب، آل ایچ، دیدی، ایچمم، دیدم؛ بنم  
خاطریم ایچون، دیدی.

— مطالعہ —

اہل صفانک می و میخانہسی نہ اولدیغنی کوسترمکہ  
بر دلیل کافی اولان بو رباعی — سجدہیہ وارمش اولدیغنی  
حالدہ، جانی جانانہ تسلیم ایتمش — بر اہل دلاک النده  
بولنمشدر. بو ذات مشاہیر شعرادن مولانا لطف اللہ  
نیسابوریدر، کہ ملوک زماندن پک چوق ہدیہ واحسانلرہ  
نائل اولوب، جملہ سنی بر الیلہ آلہرق، دیکریلہ بتمامہا فقرا  
و محتاجینہ توزیع ایتمش، و اواخر عمرندہ برکویہ چکیلوب،  
اورادہ ایدندیکی برکوچک باغده منزوی اولمش ایندی.  
برکون احبابندن برجماعت زیارتہ کیدوب، برچوق وقت  
قبوی چالدقاری خالدہ، آچلمدیغندن، ایچلرندن بریسی

دیواردن آتلا یوب، قپویی آچش، وایچری یه کیردکلارنده  
کندیسنی، سر بزمن سجده اولدیغی حالده، میت کورمشلر؛  
والنده یوقاریده کی رباعی یی حاوی برپارچه کاغد بولمشلر .

## خرده

## — ۱۴ —

اكرآن ترك شیرازی بدست آرددل مارا  
بخان هندویش بنخشم سمرقند و بخارارا

## — ترجمه —

او شیرازی دلبر کوکلیزی ایدرسه، اونک سیاه بکنه  
سمرقندله بخارایی باغشلارم .

## — مطالعه —

تیمورلنک شیرازی ضبط ایتدیکنده، بو بیتک قائل  
اولان شاعر مشهور حافظ شیرازی بر حیات ایدی .  
تیمور شاعری جلیله، مقام عتابده : «بن ضبط و تسخیر  
ایتدیکم بونجه بلاد معموره یی، محضا وطنم و مقرر حکو  
متم اولان سمرقند و بخارایی آبادان ایتک ایچون، تخریب

ایتدیکم خالدہ، سن کیم اولیورسک، کہ بو ایکی بادہ  
عظیمہ یی بردلبرک بکنہ باغشلا یورسک! « دینجہ، حافظ  
پڑمردہ قیافتی کوستره رک: « پادشاهم، بن بویله نامیحل  
یرہ بخش ایدہ ایدہ، بو حالہ کلدنم « دیش . تیمور بولطیفہ  
دن زیادہ سیلہ خوشالانوب، قہر نیتنی لطفہ تبدیل ایلہ،  
شاعرہ پک چوق اکرام والتفات ایتمش .

## خردہ

— ۱۵ —

دجلہ را امسال رفتاری عجب مستانہ بود  
پای در زنجیر و کف برب مکر دیوانہ بود

— ترجمہ —

دجلہ نک بوسنہ نہ تحف بر مستانہ یوروشی وارد!  
آیانی زنجیردہ، آغزی کوپورمش، صانکی دلیدر!

— مطالعہ —

بویتنک برنجی مصرعی خواجہ سلمان، وایکنجیسی  
ناصر بخاری طرفدن بداهہ سویلنمشدر. ناصر بخاری

حجّه کیدرکن، بغداده اوغرایوب خواجه سلمانله کور.  
 یشمک ایچون، بروسيله انتظارنده ایکن، برکون خوا-  
 جه نك طغیان ایتمش اولان دجله نهرینی سیر ایدهرک  
 کرمکده اولدیغنی کورمکله، یاننه کیدوب، سلام ویرمش؛  
 وخواجه سلمان کندیسنک کیم اولدیغنی صوروب، ناصر  
 «برمرد غریب شاعرم» دیه جواب ویرنجه، سلمان  
 بونک شعرینی تجربه ایچون ایلک مصراعی سویلمش؛  
 وبومرد غریب طرفندن درحال ایکنجیسنی ایشیدنجه،  
 درجه کمالی آکلایوب، اوساعتدن اعتباراً یینلرنده رابطه  
 مخالصت پیدا اولمش.

## خرده

### — ۱۶ —

آن مفخر آفاق که بد قطب زمان  
 شیخی که چواو نبود درکون و مکان  
 درپانصد وهشت اوبدهر آمده بود  
 درششصد و یازده برون شدز جهان

### — ترجمه —

اول عالمک سرمایۀ مفخرتی که قطب زمان ایدی، اول

شیخ بزرگوار که کون و مکانده نظیری یوقدر، بشیوز  
یدی تاریخنده دنیایه کشیدی، آلتیوز اون برده دنیادن  
کیتدی .

— مطالعه —

بو تاریخ قطب العارفین شیخ فریدالدین عطار حقنده  
سویلنمشدر. مشارالیه یوز درت یاشنده اولدینی حالده  
چنکیزک اردوسنه منسوب بر مغولک الینه اسپر دوشمش  
ایدی . مغول کندیسینی قتل ایتمک اوزره ایکن، دیگر بر  
مغول بو اختیارک بین الاسلام مشهور بر ذات اولدینی،  
وفدیه اوله رق مسلمانلردن چوق اچقه آله بیله جکنی  
اخطار ایدنجه، مغول قتلدن صرف نظر ایدوب، فدیة .  
سنی بولوق ایچون، حضرت شیخی کزدیرمکه باشلامش .  
اواثناده ارباب حمیتدن بری چیقوب، یوز بیک آلتون  
تکلیف ایتدیکنده، شیخ مغوله دیش که : « بو بنم قیمتم  
دکلدر، تام قیمتمی بولمدجه، صاتمہ . » مغول، دها زیاده  
ویرن بولنه حق امیدیه، حضرت شیخی کزدیرمکه دوام  
ایتمکده ایکن، آرقه سنده بر طوربه صمانی بولنان فقیر بر  
آدم کچوب : « شواختیاری بکا باغشلا، سکا شو صمانی  
ویرهیم » دیجه، حضرت شیخ مغوله : « ایشته بنم قیمتم

بودر . صات» دیش . مغول قیزوب اول معدن حقیقتک  
ریش سفیدینی خون کردانیله لاله کون ایتمش .

## خرده

## — ۱۷ —

از برای جرعه می خادم میخانه ام  
خدمت رندان کنم تا پر شود پیمانه ام

## — ترجمه —

بر قدح شراب ایچون میخانه خدمت جیسی اولدم .  
قدم طوانجیه قدر سرخوشلره خدمت ایدرم .

## — مطالعه —

بوییت غریب مشاهیر شعرادن آبدال اصفهانینکدر .  
آبدال ابتدای امرده عطار اولوب ، مؤخرأ عشق  
سببیدن دیوانه لکه اوردرق ، یالین آیق کز مکه باشلامش ،  
وبرمدت تیمار خانه ده زنجیر بند قالدقدنصره ، میخانه لرده  
مشتریلره خدمت ایتکه باشلامش ، واجرته مقابل  
کندیلرندن برر مقدار شراب آلیورمش . بو حالیه برابر

ینه شعر سویلمکدن تهی قالماز، و شعری ده لطفاندن  
 خالی اولماز ایش . یوقاریدهکی بیتیه کندی حالی تعریف  
 ایتدیکی کبی، زیردهکی غزل ایله ده میخانه مداوملری اولان  
 تبریز ارمنیلرینی مدح ایدیور:

کبران همه کردهن چو خویشان  
 من کبر نوم میان ایشان  
 دارند دلی خوش و ندارند  
 طبع بد و خاطر پریشان  
 والله که ندیدم از مسلمان  
 این طور که دیده ام از ایشان  
 آبدال ز بهر يك پیاله  
 دردیر نشسته چون کشیشان

— ترجمه —

بتون کبرلر (\*) اقربا کی اطرافنی آلیورلر، بن اونلرک  
 اورته سنده یکی بر کبرم . — اونلرک پک تمیز قبلری  
 واردر، فنا طبیعتلری یوقدر، و خاطرلری پریشان دکلدرد .  
 — اونلرده کوردیکم طوری والله مسلمانده کورمدم .

(\*) کبر اصل زردشت دینده اولان آتش پرستلرک اسمی ایسده،  
 فارسیده علی انعموم غیر مسلمله دخی اطلاق اولنور، و بزده مستعمل  
 اولان «کاور» کلمه سی بوندن منخر فدر .

— آبدال بر قدح شراب ایچون پاپاس اولمش، میخانه‌بی  
کلیسا اتخاذ ایتمش .

— مطالعه —

آبدال اواخر عمرنده توبه‌کار و متقی اولمش .

خړده

— ۱۸ —

ای خداوند هفت سیاره  
کافری مان فرست خونخواره  
تادر ودشتر چو دست کند  
جوی خون راند او ز جو باره  
عدد مردمان بیفزاید  
هر یکرا کند بصد پاره

— ترجمه —

ای یدی سیاره‌نک صاحب و خالق اولان جناب  
الله ! بزه خونخوار بر کافر کوندر، که شهر واووه‌بی ال  
آیاسی کبی دوزایده‌رک، هر شیء سوپوروب کچسین، بیونلردن  
قان سیلی آقیتسین . — انسانلرک عددینی آرتیرمق اوزره،  
هر برینی یوز پارچه ایتسین !



## — مطالعه —

بو دهشتلی بد دعا شاعر مشهور کمال الدین اسماعیل  
 اصفهانی طرفندن اهل اصفهان حقنده سویلنمشدر . اهل  
 اصفهان بو بددعایه ماصدق اولوب، چوق کچمه دن، اولاد  
 چنکیزدن اوکتای قآنک عسکری شهری ضبطله، اهالی بی  
 قتل عامه اوغراتدیلر . شاعر کندیسی دخی بد دعاسی  
 تأثیرندن خارج قالمدی . مشار الیه شهرک خارجنده بر  
 زاویه ده عزلت کزین بولندیغندن، مغوللرک تجاوزندن  
 قورتلمش ایسه ده، خلق مغوللرک بوذاته اولان رعایتلرینی  
 کوردکارندن، ماللرینی یغمادن قورتارمق ایچون، زاویه .  
 سنک یاننده بولان بر قورو قیویه طولدیرمشلر . بر مغول  
 چوجنی اوینارکن، طوپنی قیویه دوشورمش، وطوپنی  
 چنقارمغه چیلارکن، اورایه دفن ایدلمش اولان اموالی  
 کشف ایدهرک، خبر ویرمش . مغوللر اواموالی آلدقندن  
 صکره، شاعر منزوی بی طوتوب، سنک دها بشقه اموال  
 مستورهک واردر دیهرک، سویلتمک ایچون، بیک درلو  
 اشکنجه لرله اولدیرمشلر .

خرده

— ۱۹ —

باخلق چنان مکن که چون فعل ترا  
هم باتو عمل کنند رنجیده شوی

— ترجمه —

بشقه سی طرفدن سنک حقنده صادر اولدیغی حالده،  
سنی اینجیته جک معامله یی سن ده بشقه سنه روا کورمه .

— مطالعه —

اوروپا علماسی نصرانیتک مزیتنی باشلیجه انجیلک  
بومالده اولان بر آیتنه حصر ایدوب، بوسوزی حکمت  
اخلاقک بر دستور واساسی عد ایتدکلرندن، انجیلک  
آیتدن البته خبری اولمیان اهلی شیرازینک بویتی  
شایان دقتدر .

خرده

— ۲۰ —

ای رزاق مور ومار وزاغ وبلبل  
کشتند هلاک بندکان توبکل

مشتی سکرا بهانه ساختہئی  
از توسست تومیکنی چه تاتار و مغل

— ترجمہ —

ای قرینجہ ویلان وقارغہ و بلبک رزاق اولان  
جناب خلاق ! قوللرک کافہ ہلاک اولدی ! — بر آوج  
کوپکلری بہانہ ایتدک، بوسندندر، سن یاپیورسک،  
تاتارک مغلک ایشی دکلدر .

— مطالعہ —

چنکیز خان مغول طائفہ سیلہ، آسیانک شرق شمالی  
جہتندن، برسیل بلاکبی، ممالک اسلامیہ نک اوزرینہ  
ہجوملہ، ہر یردہ قتل ایتمک، و ہر معموردی ویرانہ یہ  
چویرمکہ باشلادیغندہ، اہل اسلام تاب آور مقاومت اولہ.  
میوب، برولہ وحیرتہ طالہرق، بو آقتہ برداہیہ سائیہ  
نظریلہ باققدن بشقہ برشی دوشونہ مدیلر، و مغوللرک مظا.  
لمنی کندی افعال نامرضیہ لرینہ بر مجازات الہیہ صورتیلہ  
تلقی ایتدیلر . شیخ ابو الجنابک یوقاریدہ کی رباعیسی بو  
افکار عمومیہ نک ترجمانی مقامندہ در .

## خرده

— ۲۱ —

روز نکبت اکر برج قلعهٔ فلکت  
 چوشاه معرکهٔ چرخ مسکن و مأواست  
 یقین بدان که بوقت نزول سر قضا  
 حصار محکم توهمچو دامن صحر است

— ترجمه —

نکبت کوننده، معرکهٔ چرخ حکمداری کی،  
 قلعهٔ فلک برجنده مسکن و مأوا طوتسهک بيله، ای بیل  
 که، سر قضانک هنگام نزولنده، سنک محکم حصارک  
 براووه اتکی کی مدافعه‌یه غیر صالح اولور.

\* \*

بروز دولت اکر مسکن توهامونست  
 ترا کشادکی از حصن کنبد حضر است

— ترجمه —

دولت کوننده، مسکنک اووه دخی اولسه، قبه  
 مینا کون سمانک حصنندن سکا فتح وظفر کلیر.

\* \*

توکارنیک و بد خود بحق بکن تفویض  
 بروز دولت و نکبت که کار کار خداست

— ترجمه —

سن کرک دولت و کرک نکبت کوننده ای فنا هر بر  
 ایسکی اللهه حواله ایت، زیرا ایش اللهک ایشدر .

— مطالعه —

سلطان محمد خوارزمشاه، که آسیای وسطی و ایرانی  
 فتح ایدوب، بر بیوک دولت تأسیس ایلش، و خلافتی  
 عباسیلردن نزع ایل، اولاد رسوله توجیه ایتک اوزره،  
 بغداد اوزرینه منہی عزیمت بولمیش ایدی، ناکهان ممالکی  
 اوزرینه چوکن چنکیزک عسکرینه قارشی ثبات ایدهمیوب،  
 مازندرانہ قاجمش؛ واوراده آبکون جزیره سنده اختفا  
 ایتمش اولدینی حالدہ، درد دروندن واورا هواسنک  
 وخامتدن خسته لمش، و بر قاج کون ظرفنده صاحی  
 صقالی آغارمش اولدینی حالدہ، یوقاریده کی قطعہ یی  
 بداهة انشاد ایدوب، یازیور، وهونکور هونکور اغلا.  
 یورمش . بو حال کندیسنی بر قاج کونده تلف ایتمش .  
 روایتہ کوره، کندیزی قاجدینی ائنادہ، اهل اسلام، ارکک

قادين، چوجق يولى اوزرينه چيقوب: «بزی نرهده  
 براقوبده کیدیورسک! بزی مغوللرک اللرنده براقمه!»  
 ديهرك اغلاشدقلرنده، کنديسى: «استحکاملر ياپک» ديهرك  
 يولنه دوام ایدیورمش. حقیقه، آسیای وسطی وایرانده  
 خرابه لری ایوم موجود اولان استحکاماتک اکثریسی او  
 وقت، مشارالیهک توصیه سی اوزرینه، یاپلمشیدی؛ لکن  
 اوسیل بلانک اوکنی کسه مه مشیدی.

## خرده

## — ۲۲ —

من نه مردزن وزرو جاهم  
 بخدا کرکنم وکر خواهم  
 کر تو تاجی دهی باحسانم  
 بسر تو که تاج نستانم

## — ترجمه —

بن قاری، آلتون، منصب رجلی دکم. اولنیرسه م،  
 ومنصب ایسترسه م الله بلامی ویرسین! — سن بکا احسان  
 اوله رق بر تاج سلطنت دخی ویرسه ک، سنک باشک ایچون،  
 آلام!

## — مطالعه —

فقرله قناعتی و دنیاده استغنائی صوڪ درجهیه قدر  
 واردیران بوایکی بیت متصوفین شعرادن حکیم سنائینکدر، که  
 سلطان بهرامشاه غزنوی کندیسنه همشیره سنک نکاحی  
 تکلیف ایتدیکنده، جواب رد مقامنده سویلمشدر .  
 شاعر مشارالیهک مقام مغویسی بر درجه ده در، که حضرت  
 مولانا کندیسی حقنده بیوریورلر :

عطار روح بود سنائی دو چشم او  
 ما از پی سنائی و عطار آمدم

## — ترجمه —

شیخ عطار روحدر، حکیم سنائی اونک کوزیدر .  
 بز سنائی و عطاره تابع اولدق .

## — مطالعه --

حکیم سنائی اوائل حائنده سلطان محمود غزنوینک  
 مداحی ایدی . سلك شعرادن طریق محققینه انتقالنه  
 غزنه ده شهرتیب اولان ( لای خوار ) اسمنده بر دیوانه  
 سبب اولمشدر . لای خوار میخانه لردن شراب تورتیلرینی  
 طوپلایوب، یاتدیغی کلخانلرده ایچردی . سلطان محمودک

هند سفرینه متهیٰ عزیمت بولندیغی بر زمانده، سنایی  
 مشار الیهک ستایشنده بر قصیده ترتیب ایدوب، کیجه  
 وقتی تقدیمه کیدیوردی . بر کلهخانک یانندن کچرکن، بر  
 سس ایشیتمکه، طوروب، قولاق ویردیکنده، لای خوار  
 ایله کندیسنه ساقیلق ایدن کندیسی کبی ملامیوندن بری  
 آرهسنده شویله بر مکالمه جریان ایتمکه اولدیغنی ایشیتدی .  
 لای خوار دیوردی که : بر قدح طولدر، غزنوی محمود .  
 جغت کورلکی عشقنه ایچیم ! - ساقیسی جواب ویریور  
 ایدی که : خطا ایدیورسک، سلطان محمود عادل بر پادشا .  
 هدر . - لای خوار دیوردی که : اوت، اوپله در، لکن  
 انصافسز وطمعکار بر آد مجزدر ! هنوز غزنینی لایقیله  
 ضبطی آلتنه آلمدیغنی حالده، دیگر ممالک فتیحی ارزوسنده در .  
 بو مکالمه نک اوزرینه، لای خوار بر قدح شراب  
 تورتیسی یوارلادقن صکره، ینه ساقیسنه توجیه خطابه :  
 بر قدح طولدر، شاعر سنایچک کورلکی عشقنه ایچیم !  
 دیدی . - ساقیسی جواب ویردی که : حقک یوقدر، سنایی  
 ظریف و خوش طبع بر شاعر در . - لای خوار دیدی که :  
 خیر، اوپک احق بر آدمدر، صاحجه صپان بر طاقم سوزلر  
 اویدیروب، آدینی شعر قویمش، وهرکون دیگر بر احقک  
 یاننه کیدوب، طالقاقولق ایدیور . بیلیمورکه اونو بونک



ایچون یراتما مشلردر ؛ روز محشرده، کندیسندن جواب  
ایستدکلرنده، اوصاچه شعرلرینی می کوستره جکدر ؟  
سنایی آبدالك بوسوزلرندن زیاده سیله متأثر اولوب،  
سلطان محمودك یاننه کیده جك ایکن، دونوب، اوینه  
کیتمش ؛ ومدایح دیوانی صویه آتهرق، دنیادن بر درجه یه  
قدر انقطاع ایدوب، طریق اهل حاله سلوك ایتمش، که  
نهایت یالین آیاق کر مکه باشلامش .

## خرده

— ۲۳ —

خردرا دوش میکفتم که این کهنه جهان ازکی  
شداز غوغای شیطان در سویدای هوا خالی  
خرد کفتا عجب دارم که میدانی ومیرسی  
بعهد علم غزالی بعهد علم غزالی

— ترجمه —

دون کیچه کندي عقلمه سویلوردم، که بو کهنه  
جهان نه وقتدن بری شیطانك غوغاسندن خالی قالدی . —  
عقلم جواب ویردی که : تعجب ایدیورم، که بیادیكك حاله

صوریورسک، غزالینک علمی زماننده، غزالینک علمی  
زماننده .

— مطالعه —

مشاهیر شعرا دین عماد زوزنی، اثنای سیاحتده،  
طوسه اوغرا دیغنده، حجة الاسلام امام عزالی ایله کور.  
یشمک هوسنه دوشمش، ووسیله اولمق اوزره، یوقاریده کی  
قطعه بی یازوب، کندیسنه کوندرمش . زوزنی بوملاقادن  
پک چوق استفاده ایدوب، امام مشار الیهک ارشادیه  
اهل حقیقت صرهنه کچمشدر .

غزالینک مدت عمر و تاریخ وفاتی مبین اولان شو  
بیت دخی ذکره شایاندر :

نصیب حجت اسلام ازین سرای سپنج  
حیات پنجه وچار و ممات بانصد و پنچ

— ترجمه —

حجة الاسلام امام غزالینک بو مهمانسرای عالمدن  
نصیبی الی درت سنهک عمر ایله بشیوز یدی تاریخنده  
واقع وفاتندن عبارتدر .

## خرده

— ۲۴ —

جهانرا بلندی و پستی توئی  
ندانم چهئی هرچه هشتی توئی

— ترجمه —

دنیاده اعلا و ادنا سنسك، بيلم نه سَك، لكن هر نه  
وار ايسه سنسك .

— مطالعه —

بوييت سلطان الشعرا فردوسی طوسينکدر . مشار  
اليه وفات ايتديکنده، مشاهير اولياء اللهدين ابو القاسم  
کرکاني، فردوسی شهنامه سنده مجوسی حکمدار و قهرما.  
نلرینی مدح ايتمشدر ديه، جنازه سنك نمازینی قيلمق  
ايستمه مش . اوکیجه رؤیاسنده شاعری جنت عدنده پك  
عالی بر درجه ده کورمش : سببی صور دقده، فردوسی :  
توحيد حقنده سويديکم شو ييتك اجر و مکافاتيدر، ديه  
جواب ويره رك، يوقاریده کی بيتی اوقومش . کرکاني  
اويانديغنده، فردوسی حقنده تصحيح افکار ايدوب،  
عذر خواه اولمش .

خردہ

— ۲۵ —

در علم و هنر مشو چومن صاحب فن  
تا نزد عزیزان نشوی خوار چومن  
خواهی که شوی مقبول ارباب زمن  
کنک آور و کنکری کن و کنکره زن

— ترجمہ —

علم و ہنر نہ بنم کی صاحب فن اولما، کہ کبرا  
عندندہ بنم کی خوار و حقیر اولمہ سک۔ — زمان آدم لر۔  
ینک مقبولی اولمق ایسترسہک، عارسز اول، طالقاقلاق  
ایت، چالنی چال۔

— مطالعہ —

ظرفای شعرادن عبید زاکانی اوائل حالندہ علوم  
متنوعہ ایلہ مشغول اولوب، شیرازدہ شاہ ابو اسحق  
نامنہ معانی و بیانہ متعلق بر کتاب یازمش؛ تقدیم ایتم  
اوزرہ، شاہک حضورینہ حقیقہ ایستدیکندہ، بر طالقاقلاق۔  
وَقَلَّہ اکلنمکدہ اولدیغنی بیانہ، دخولنہ ممانعت ایتمش۔  
عبید زاکانی او وقت یوقاریدہ کی رباعی بی سویلیوب،

فيا بعد ترك علم وهنرله، هنرلياته صاپش : بوحاني تقبيح  
ايدن بعض ذواته جواباً دخى شو قطعه ي سويلمش :

ای خواجنه مکن تابتوانی طلب علم  
کاندر طلب راتب هر روزه بمائی  
رومسخرکی پیشه کن ومطربی آموز  
تاداد خود از ککهر ومهتر بستانی

— ترجمه —

افندی، الکنن کله بیلدیکی قدر علم تحصیل اتمه،  
زیرا برکونلک ییه جکک تحصیلنده کوجاک چکر سئک. —  
کیت مسخره لغی صنعت ایدک، چالغی جلیق او کرن، که بیوک  
کوجاک هرکس سکا رعایت ایتسین.

— مطالعه —

عبيدك جهان خاتون نام شاعره ايله مشاعرلری اولديغی  
کبی، اکابر عصرندن خواجه سلمان ايله دخی بر ملاطفه سی  
کچمشدرد. شویله که خواجه سلمان کندیسنی شخصاً طایفه سزین  
برقطعه ايله هجوا یتمشیدی. بر سفرده خواجه کمال احتشامله  
برصویک کنارینه ایندیکنده، عبيد دخی یایان یورویه رک  
اورایه واصل اولمش؛ وخواجه سلمان بونک نرملی  
اولدیغنی صوروب، غزوینلی اولدیغنی او ککرنده کده :  
خواجه سلمانک اشعارندن برشی بیلورمیسک؟ دینجه،  
عبيد شو ایکی یتي بیلورم دیش :

من خراباتیم و باده پرست  
 در خرابات مغان عاشق و مست  
 میکشندم چو سبو دوش بدوش  
 میبرندم چو قدح دست بدست

— ترجمه —

بن میخانه آدمییم و شرابه طاپانلردنم : میخانه‌ده  
 عاشق و سرخوش مجوسیار بنی دستی کبی اوموزدن او.  
 موزه، قدح کبی الدن اله کزدیررلر.

— مطالعه —

عبید بوایکی یتیمی او قودقدن صکره : بن خواجه  
 سلمانی بیوک و فاضل برآدم بیلیرم ؛ بونک ایچون، مامول  
 ایتیم، که بو یتیلر کندیسینک اولسون، اولسه اولسه،  
 حرمی سویلمشدر، چونکه اونک حقنده ده‌ها زیاده یاقیشیور،  
 دیمش. خواجه سلمان بوندن محبوب اولوب، بو آدمک  
 عبید اولدیغنی فراستله آکلامش ؛ و کندیسینی هجو ایتمش  
 اولمسندن عذر خواه اولوب، فیما بعد محب و دوست اولمش.

خرده

— ۲۶ —

خوشا باد غنبر شمیم سحر  
 که برخاک کرمانش باشد کذر

زمن تاجه آمد که چرخ بلند  
 ازان خاک پام بغربت فکند  
 ببغداد بهرچه سازم وطن  
 که ناید بجز دجله در چشم من

— ترجمه —

کرمان طویراغنک اوزرندن کچمش اولان عنبر قو.  
 قوی سحر روزکاری نه کوزلدر! — بنم نه ص — وجم وار  
 ایدی، که چرخ فلک بنی او مبارک طویراقدن آیروب  
 غربته آتدی؟ — دجله سندن بشقه کوزمه برشیدی کیرمین  
 بغدادده نیچون توطن ایدیورم (\*)؟

— مطالعه —

فراق وطنک ساده و فقط غایت کوزل ومؤثر بر  
 تصویری مقامنده اولان بو بیتلر مشاهیر شعرادن خوا.  
 جوی کرمانینکدر. مشارالیه کرمانلی اولدینی حالد،  
 سائقه قدر کندیسنی وطننده یاشاتمیوب، اکثر یا دیار  
 غربته وعلی الخصوص بغدادده امرار ایام ایتدیکندن،  
 وقت وقت هجرت وطن کندیسنی بویله فغان آمیز بیتلرله  
 نالان ایدیورمش.

(\*) دجله نك كوزه کیرمی تعبیری کوز یاشنک کثرتنی ده ایما ایدر.

## خردہ

## — ۲۷ —

ما کر چه بنطق طوطیء خوشنفسیم  
 بر شکر گفتہای سعدی مکتسم  
 در شیوہ شاعری باجماع ام  
 هرگز من وسعدی بامامی نرسیم

## — ترجمہ —

بنطقده برطوطیء خوش نفس ایسہ کدہ، سعدینک  
 شکر سوزلری اوزرنده برسینکز۔ — شاعرلق شیوہ سمنده،  
 اجماع املہ، بنملہ سعدی هیچ بروقت امامینک کعبندہ  
 اولہ مایز۔

## — مطالعہ —

بوایکی بیتلہ خواجہ مجد الدین همکر بعض فضلائک،  
 بو اوچ شاعرک درجاتی سؤال ضمنندہ، یازمش اولدقلری  
 بر قطعہ یہ جواب ویریور۔ اوقطعہ نک بریتی شودر:

ز اشعار تو وسعدی وامامی  
 کدامی بہ پسندند اندرین بوم

## — ترجمہ —

سنک وسعدی وامامینک اشعارندن بو مملکتدہ  
 هانکیلرینی دها انی بکنیورلر؟



## خرده

## — ۲۸ —

سرافاضل دوران امام ملت و دین  
 خدایکان شریعت درین چه فرماید  
 که کربۀ سرده قمری و کبوتر را  
 بشب زتن زره ظلم و جور بر باید  
 خدایکان کبوتر ز روی شرع و قصاص  
 اگر بریزد خون کربه را همی شاید

## — ترجمه —

ای افاضل دورانک رئیس و ملت و دینک امامی !  
 شریعت صاحبی بومسئله ده نه بیوریورلر : برکدی کیچه  
 وقتی اون کوکر چین و قمرینک باشنی، ظلم و جور طریقیه،  
 بد نلرندن آروب قاپدیغی حالدۀ، کوکر جینلرک صاحبی  
 قصاص نیتیه کدینک قانی دوکر سه، شرعاً جائز میدر ؟

## — مطالعه —

فخرالمللک زیاده سیله سودیکی کوکر جینلرینی کدی  
 بوغمش اولدیغندن، یوقاریدکی قطعیه یی نظم ایدوب،  
 شاعر مشهور امامی یه ارسال ایله، استفتای ماده ایتمش .  
 امامی دخی بوکا جواباً شوقطعه یی یازوب کوندرمش :

ایا لطیف سؤالی که درمشام خرد  
 زبوی نکهت خلقت نسیم جان آید

## خرده

## — ۲۷ —

ما کر چه بنطق طوطی خوشنفسیم  
 بر شکر گفتهای سعدی مکسیم  
 در شیوه شاعری باجماع ام  
 هرگز من وسعدی بامامی نرسیم

## — ترجمه —

بنطقده برطوطی خوش نفس ایسه کده، سعدینک  
 شکر سوزلری اوزرنده بر سینکز. — شاعرلق شیوه سنده،  
 اجماع امله، بنمله سعدی هیچ بروقت امامینک کعبنده  
 اوله مایز.

## — مطالعه —

بوایکی بیتله خواجه مجدالدین همکر بعض فضلائک،  
 بو اوچ شاعرک درجاتی سؤال ضمننده، یازمش اولدقلری  
 بر قطعه یه جواب ویریور. اوقطعه نک بریتی شودر:

ز اشعار تو وسعدی وامامی  
 کدامی به پسندند اندرین بوم

## — ترجمه —

سنک وسعدی وامامینک اشعارندن بو مملکتده  
 هانکیلرینی دهایی بکنیورلر؟

## خرده

## — ۲۸ —

سرافاضل دوران امام ملت و دین  
 خدایکان شریعت درین چه فرماید  
 که کربۀ سرده قمری و کبوتر را  
 بشب زتن زره ظلم و جور بر باید  
 خدایکان کبوتر ز روی شرع و قصاص  
 اگر بریزد خون کربه را همی شاید

## — ترجمه —

ای افاضل دورانک رئیس و ملت و دینک امامی !  
 شریعت صاحبی بومسئله ده نه بیوریورلر : برکدی کیجه  
 وقتی اون کو کرچین و قمرینک باشنی، ظلم و جور طریقله،  
 بدنلرندن آیروب قاپدینگی حالده، کو کرچینلرک صاحبی  
 قصاص نیتیه کدینک قاننی دوکرسه، شرعاً جائز میدر؟

## — مطالعه —

فیخرالمللک زیاده سیله سودیکی کو کرچینلرینی کدی  
 بوغمش اولدیغندن، یوقاریده کی قطعیه یی نظم ایدوب،  
 شاعر مشهور امامی یه ارسال ایله، استفتای ماده ایتمش .  
 امامی دخی بوکا جواباً شوقطعه یی یازوب کوندرمش :

ایا لطیف سؤالی که درمشام خرد  
 زبوی نکهت خلقت نسیم جان آید

بکر بہ نیست قصاصی کہ صاحب ملت  
چنین قصاص بشرع کرین نفرماید

— ترجمہ —

نه لطيف سؤال كه عقلك دماغنه حكمت خلقت  
قو قوسنی حاوی بر رايحه كتيرر . — كدی یہ قصاص لازم  
كلز، زیرا صاحب ملت شریعت غراسنده بویله قصاصه  
جواز بیورمیورلر .

نه کم زکربہ بیداست کربہ صیاد  
که مرغ بیند و بر شاخ پنجه بکشد

— ترجمہ —

آغاچ دالنگ اوزرنده قوش کورنجه، پنجه سنی آچان  
آوجی کدی فاره طوتان کدین کری قالمیور .

اگر بساعد سیمین خود سری دارد  
بخون کربہ همان به که دست نالاید

— ترجمہ —

کندی ساعد سیمینکره محبتکر وار ایسه، کدینک  
قانه الکزی بولاشدیر ماسه کر، ای ایدرسکر .

بقای قمری و عمر کبوتر ارخواهد  
قرار گاه قفسرا بلند فرماید

— ترجمہ —

قریلرک بقاسنی و کوکر جینارک حیاتی ایستر

سه‌گز، امر بیورورسکز ده قفسی یوکسک یره قورلر .

خرده

— ۲۹ —

شمع خود سوخت شب دوش بزازی و امروز  
کیرلکزا طلبد شاه زمن میسوزم

— ترجمه —

دون کیجه موم اغلایه اغلایه یاندی، بو کون ایسه،  
پادشاه شمعدانی ایسترسه، بن یانه جغم .

— مطالعه —

شاعر مشهور سلمان ساوجی، بر کیجه، سلطان  
اویسک سرانیدن اوینه کیدرکن، یولی کورمک اوزره،  
الینه بر آلتون شمعدان ویرمشلر . ایرتسی کون،  
شمعدانی ایستمکه کیتدکلرنده، بو بیتی یازوب، سلطان  
اویسه کوندرمش .

سلطان اویس فوق العاده محسن و ملتفت بر حکمدار  
نیکحصات اولدیغندن، کنج یاشنده واقع اولان وفاتنده  
مشارالیه سلمان ساوجی شو مرثیه‌نی اوقویه‌رق، اغلارایمش .

دریغا که پڑمرده شد ناکهانی  
کل باغ دولت بروز جوایی  
دریغا سواری که جز صید دلها  
نمیکرد بر مرکب کامرانی

— ترجمه —

حیف که کنج یاشنده او دولت باغنگ کلی آنسزین  
 صولدی ! — یازیق اوپله بر قهرمانه که، کامرانلق رخشنه  
 سوار اولدینی حالده، کوکاری آولامقدن بشقه برشی  
 یامپوردی .

— مطالعه —

مشارالیه سلطان اویسک فضیلت و عرفانی دخی  
 اخلاقی نسبتنده ایمش . جان ویره جکی وقت سویلمش  
 اولدینی شوبیتلر بوکا شاهد ودلیلدر :

زدار المک جان آخر بشهرستان تن رقم  
 غریبی بودم اینجا چند روزی باوطن رقم

— ترجمه —


روح مملکتندن جسم شهرینه برسیاحت ایتمشیدم ؛ بر  
 قاچ کون مسافر قالدقدن صکره، وطنمه عودت ایتدم .  
 غلام خواجه بودم کریزان کشته از خواجه  
 در آخر پیش اوشرمنده باتیغ و کفن رقم

— ترجمه —


بر افندینک کوله سی ایدم، که افندیمدن کیزلیجه  
 قاچمشیدم ؛ نهایت محجوب اولوب قلیج و کفنله افندیمک  
 اوکنه دونیورم .

صوک










UNIVERSITY OF TORONTO



3 1761 01454887 9

Fraschery, Ch Samy bey  
Horde çin

PK  
6434  
S46  
1885  
C.1  
ROBA